

(三) 孫壽屏事略

孫壽屏先生、名眉、字德彰、壽屏其別號也、為孫中山先生之長兄、家貧、少從母舅赴檀香山、為人備作、薄有所積、旋赴茂宜島、廣事畜牧種、土人咸以茂宜王稱之、性慷慨任俠、其弟中山先生、倡革命、在檀香山創立中興會、公與鄧蔭南捐財最鉅、中山先生遂返國、謀舉義於廣州、不成脫險、赴澳門、過香港、渡日本、至檀島、自後奔走歐美日本、南洋間十有餘年、費用之所出、及妻子之俯畜、多賴公、接濟、自是家遂以傾、暮年返香港、斁於九龍、仍從事革命、為香港政府所逐、乃之廣州灣、翌年在武昌舉義、公以雷州之衆、應之復雷州各地、吾粵光復、粵人紛舉公為都督、大總統、中山先生、以先生於革命、實優為之都督重任、不欲私其親、為後世議、故迄未置身政府、蓋亦急於公益、而淡於名利、殊可風也、袁氏叛國、以廣東為革命策源地、乃任龍濟光為都督、以壓制黨人、先生乃組織義勇軍以討之、至民國四年、卒於澳門、年六十有一、生一子、名昌、亦追隨革命、民國六年、中山先生為大元帥時、某日命率新兵乘輪載黃埔訓練、適海軍戒嚴、輪駛入警戒線內、領港者畏避、又不停輪、海軍擊如故、昌知誤會、泗水往解釋、因懷銀物、湍急不能脫、海軍擊之、竟溺焉、孫二、長名滿、迭在鐵路電話自來水等機關服務、次乾、畢業於日本士官學校、充軍警職、現再往意大利研究軍事、

(四) 曾錫周事略

曾錫周先生、香山人也、少商於越南、後為西貢法蘭西銀行華人經理、孫中山先生、於壬寅癸卯之交、南游西貢、易名高達生、託稱美國新聞記者、來此調查、偶與遇談、論天下事、大悅、旋以真姓名告、遂傾心結納、其後丁未戊申之際、中山先生從事粵桂滇革命、先生先後捐助共五六萬

元、(所有証據署名金記、其後因居留政府搜查、盡行燬滅)民國後山編從商業以終云。

上文四件。係革命紀念會來

(五) 楊鶴齡事略

楊鶴齡、廣東香山翠亨村人、生於澳門、一富家子弟也、為人亢爽不羈、喜諧謔、自幼識孫中山先生、以父業多在香、獨闢一樓、備友朋聚談之所、時與孫先生數晨夕於其上、求學廣州時、與尤烈為同學、尤亦於此得識孫先生、楊暮年、家日衰落、妻死無子、亦不再娶、困守澳門、備屨以居、孫先生篤念故舊、每有饋贈、使無不給、今仍健在。

錄陳少與中會革命史別錄。

徵稿簡約

- 一、本刊歡迎下列各項投稿。
 - 甲、與修志及本縣地理、文化、經濟、建設、人物有關之論著。
 - 乙、與本縣有關之各種史料。
 - 丙、與本縣有關之外國人著述。
 - 二、本縣華僑史蹟。
 - 三、來稿不向文體字量、惟須謄寫清楚、並加標點符號。
 - 四、譯稿請將原書名、著者名、出版日期及地點、詳細寫明、或將原書附來。
 - 五、來稿請註明真姓名及通信地址、筆名任便。
 - 六、來稿不願刪改者、請於末篇聲明。
 - 七、來稿未登載者、留供本會參攷、概不發還。
 - 八、來稿經同人認為有價值者、即不發表、稿費亦從優致酬。
- 來稿請投廣東省中山縣石岐孫文西路中山圖書館三樓本會編纂組收。